

印雪軒詩鈔

德清俞鴻漸著

印雪軒詩鈔

掃葉山房印行

民國六年石印



總發行所
上海
北市棋盤街掃葉山房

予既抄繹花先生印雪軒詩集付梓而其嗣君王甫蔭甫兩孝廉復以先生之遺命求序於予予伏而歎曰予何言
今天登山之陽丹山之陰天地之寶其居而玉者自得之山之
珍陸之毛海之鮮天下之美具焉而食者自知之予何言
雖然予幸得識先生而又辱與次公文挾備聞先生論詩
之旨則是集也成予易敢言言蓋先生論詩有曰不矜才不
使氣出之於不經立而其光黜然以出乎味竊然以深則其序
法其素園詩之言也又曰不名一體不拘一格時而冠裳而穆時而
袂履風流時而橫矛盪決時而拈花微笑則其序戴其銅士
詩之言也又曰浩氣自抒骨體無飾造作而然則是集
之必傳于後而多物不已可決之此哉予不足知先生之詩而粗
述所聞于先生之緒論為後世讀印雪詩集者告嗚呼先生往

矣而其情必將傳之其人垂之吾窮然則予得挂名氏于集中
獨非幸歟是為序

道光丁未仲春月世愚孫殿齡拜序

印雪軒詩鈔

寄銅士即次其遊東湖詩韻

正惜光陰逝水波書來偏唱懊儂歌買山未遂支公願開徑虛期羊仲過

花落西崦春事晚

銅士約西崦探梅不果往

草生南浦別愁多憑君莫歎謀生拙我亦

頻年入網羅

來書有魚在網鳥在羅之喻

贈戴秋塍

師樽

疊前韻

風捲餘溪漱灩波卿其擊缶我狂歌纔攜琴匣忽忽至又見花朝冉冉過
別墅竟容裴迪到詩才終讓陸機多相期莫負春光好庭草初生碧似羅

楊花詞

春來風雨妒花多催得春光一夢過莫向柳邊停釣艇防他如雪點漁蓑
河橋春盡景全非半落苔磯半蓼磯但使不沾紅杏雨因風還擬入雲飛
芳塘十里綠雲遮步履來遊日未斜彷彿秋深江上過一天晴雪捲蘆花
平蕪淺草碧如茵點點飛來逐畫輪此景莫教妝閣見天涯猶有未歸人

踏青詞

新製弓鞋月一彎
珊珊小步入花間
生來不識江村路
但見桃花便轉灣
遊倦歸來又夕陽
小樓對鏡卸殘妝
誰知貧女蓬窗下
正理筠籠待採桑

續娶

一慟曾傷奉倩神
遺簪何處渺難親
焚香暗擲金錢卜
果否新人似故人
長簾牀空已幾年
今朝重啟合歡筵
紅窗一片梧桐月
照見妝臺兩度圓
香消睡鴨夜三更
蕉影橫窗夢未成
到底是愁還是喜
燈前我亦不分明
高堂菽水情誰供
從此循陔樂意濃
一事對卿終抱歉
未曾端整紫泥封

花朝日戲為祝花詩

知爾逢初度
芒鞋踏碧莎
徵詩憑燕語
侑酒借鶯歌
風信吹難老
韶光占最多
瑤池當此夕
相慶更如何

春亦多情甚
東風不暫停
未須嗟薄命
且為祝延齡
煖日烘三徑
微雲覆

一庭主人無別贈添箇護花鈴

寄懷奚榆樓

疑

不到孤城已半年幾回吟望夕陽天遙知棋罷憑欄坐飛滿一樓榆莢錢
櫻桃風急雨瀟瀟無限春愁抵暮潮劇欲投君花下句斷雲歸雁不堪招

重遣哀

悼嵇孺人

算來祇是十年事兩泣遺簪亦可嗟我是孤山林處士從今止合娶梅花
欄杆費盡夜深憑聽徹呻吟感不勝最是慈親揩淚眼幾回祝向佛前燈
生小偏蒙大母憐手携詩卷授燈前到頭一字何曾見空向妝臺覓斷箋
孺人幼從其祖母讀兼教以詩及卒索之篋中竟不得其隻字

愁中怕聽懊儂歌奈此哀蟬落葉何忽顧浮生還自笑年來并厭一身多

懊惱曲

并序

僕本羈人時逢恨事趁蠅窗之餘暇寫鴛牒之新聞則有蓉城侍

史蓬島仙妹豔兮如花溫其如玉兩彎眉翠不待郎描一捻腰肢
常防柳妒兼之少耽塗抹長愛吟哦裁新詞於芍藥欄邊搜麗句
於枇杷花下方謂白家樊素行侍香山蘇氏朝雲終歸玉局矣不
意瑤池阿母誤傳青鳥之書月府仙人錯綰赤繩之足白楊憔悴竟
許生稊紅杏繽紛長嗟落溷豈非銜精衛之石苦海難填率秦系
之師愁城莫破者哉嗚呼茫茫大地偏生薄命之花渺渺慈雲不
護忘憂之草蓬少婦於潯陽江上儂亦淚滴青衫坐老奴於玉鏡
臺邊世勿侈為佳話

東風夜繞花間屋吹落桃花紅一簇曉來兀坐畫簾中有客為歌懊惱曲
吳姬十五年正芳墮馬偏工時世妝石鼎烹泉朝鬪茗金爐拜月夜焚香
谿山秀氣誰分得生小殷勤弄文墨搦管來裁嬌女篇簪花慣寫夫人格
踏青偶過赤欄橋馬上郎君魂欲銷不惜明珠買歌舞擬將金屋貯妖嬈

天邊青鳥空來往清臚不屬終難強柳枝無意傍歌樓桃葉依然持畫漿
歲疑牢鎖藏春鴈蝶慕蜂窺竟何補十載長懸鄭重心一朝忽誤姻緣簿
雛鳳何當侶暮鴉赤繩深怪老人差忍將天上優曇鉢罰作人間薄命花
油壁香車絡繹來兩行紅燭畫堂開可憐鎮日支頤坐淚灑溫家玉鏡臺
白楊無奈秋光老紅杏終憐春色小此時容帳恨絲絲當日雀屏嗟草草
從此蛾眉滿鏡愁妝臺無復舊風流弓鞋怕踏鴛鴦塚羅袖慵憑燕子樓
吁嗟乎落溷飄簾隨所值枉費深源書咄咄不見邯鄲挾瑟人零落翻歸
廝養卒

明鏡

明鏡復明鏡皎若秋月白棄置近一年團樂還似昔憶昔東風來簾前花
弄色含笑貼珠鈿人在妝臺側一朝隔重泉房櫳春寂寂虛牖懸珠絲空
牀印鼠跡明鏡復明鏡覽鏡長太息不見鏡中人清輝竟誰惜

雨夜

陡覺春寒重挑鐙客思深窗前一夜雨枕上十年心自作無家別空為遊
子吟芭蕉爾何幸先已綠成陰

落花

刻翠綃紅興未闌妒花風雨起無端難憑宮女重妝出忍遣村童更掃殘
陌上問誰歸緩緩庭前空想步珊珊儂心縱作沾泥絮如此飄零也怕看
擬共東風證舊盟飄然歸去太無情困人天氣逢三月敲火光陰了一生
古道斜陽蝴蝶夢畫簾微雨杜鵑聲韶華荏苒留難住惹得憑欄客暗驚
鶯聲啼破綠楊煙夢醒繁華劇可憐寂寂誰歌將進酒飄飄欲賦小遊仙
鮫綃裏淚應千點鴛鴦塚埋香又一年早識相逢即相別優曇多事現諸天
從今刪却冶春詩一往情深不自知玉笛生憎吹太早金鈴翻悔護偏遲
睡餘豈忍重燒燭晝後何堪再買脂休怪者番禪榻畔杜樊川鬢半成絲

送春

竟日花間雨似塵風光欲別苦吟身却嫌送爾還多事我自生來未遇春
河橋風緊柳條斜折盡欄邊芍藥花轉為春歸一惆悵可憐遊子已無家

客懷

又聽林端叫杜鵑困人時節劇堪憐滿庭花瓣飛紅雨幾處蕉陰展綠天
佛火一龕容我借居停事佛詩城五字問誰堅負他前輩殷勤意盼向青雲猛

著鞭

萋萋芳草綠侵階新雨纔過有亂蛙室小未安徐穉榻

徐夜歸
銅士處心清為伴

太常齋

朔望日居
停持齋

覆蕉漸悟從前幻食蔗終思此後佳敢恨銜泥雙燕子

年年辛苦客天涯

對月

長天一片月夜靜過牆來之子渺何處空庭半綠苔憐卿春夢短覺我壯

心灰剩有看花淚因風寄夜臺

隄畔柳

隄畔新栽柳依依映淺沙春風不相顧飛絮竟誰家水長開羣鴨煙昏翻暮鴉攀條無限意豈為感天涯

喜榆樓見過

鵲語亦何急好風吹過牆喜君尋舊雨共我話斜陽蕉葉半窗壁藤花滿架香興闌分手去遠色又蒼茫

夏夜與銅士對酌

花落無人過論詩到夜分且邀簾外月同發甕中雲狂態依然在高歌幾處聞平生飛動意祇合付微醺

苦雨和虛臺上人

不信天常漏含愁啟竹扉雨聲花外驟人迹巷中稀雲欲驅山走隄將挾

浪飛憐他垂釣者還自坐漁磯

復雨和銅士

仰面潺潺看漏天濕雲如夢墮窗前小庭積水深逾尺況是農家郭外田
強半膏腴種未能桔槔聲裏感難勝田家不幸商家幸日日街頭米價增
偷樓過訪寓齋賦詩見贈依韻和之

無事祇枯坐微風生綠槐藜牀殘暑退花徑故人來簾為看山捲懷因話
舊開喜君能小住不受夕陽催

秋夜感懷

愁多怯夜靜見月開雙扉不知秋已到但覺梧陰稀徘徊立中庭微風吹
我衣石罅蛩亂鳴花外螢孤飛撫景易生感曠望增歔歎所思不可見寥
落將何依

矯矯雲中鶴舉翅天地小及其倦而歸頗覺舊巢好傷哉同衾人去我亦

何早寂寂房櫳間經年行迹少我欲訴離緒惜無懷夢草起對明月光徘徊直至曉

雨夜

客被半牀冷蟲聲滿院秋那堪深夜雨又釀故鄉愁欹枕驚殘夢挑燈念舊遊寥寥天宇濶一雁宿汀洲

王二樵戲雨中過訪

溼雲低似夢枯坐奈愁何正擬開簾望剛逢冒雨過草痕黏屐重山翠染衣多待共扁舟去前溪泛綠波

九梅軒夜話次東石韻

吹笛年來倦倚樓小庭晚步興偏幽也知清福難多占翻幸閒身得共遊蛩語訴殘簾外月蘋香吹冷客中秋夜深忽覺吟衫薄露滴空階似水流

弔壯烈伯李忠毅公

長庚